

## Raport Muaji Janar 2022

### Informacion bazë

Administrimi i Fondit	<b>Shoqëria Raiffeisen Invest sh.a</b>
Monedha	<b>Euro</b>
Datë Lancimi	<b>22 Nentor 2012</b>
Vlera fillestare e kuotës	<b>100</b>
Shuma fillestare minimale	<b>250</b>
Shuma minimale pasuese	<b>50</b>
<b>Komisione dhe Tarifa</b>	
Tarifë në hyrje	<b>0.00%</b>
Tarifë në dalje	<b>0.00%</b>
Tarifë Administrimi në vit	<b>Deri ne 1.30% e vleres neto te aseteve</b>
Tarifa te tjera te vazhdueshme	<b>Referojuni prospektit te fondit</b>
Komisione/tarifa të vazhdueshme	<b>1.50% per vitin 2020</b>
Kosto për transfertë fondesh nga palë të treta	<b>Referojuni informacionit ne deget e RBAL</b>

### Objektivi i investimit dhe profili i investitorit

Objektivi i Fondit është të mund t'i sigurojë investitorit një kthim nga investimi në përputhje me një menaxhim të kujdesshëm të portofolit duke ruajtur nivelin e kapitalit dhe likuiditetit të nevojshëm.

Nje pjese e rendesishme e aseteteve te fondit mund te investohen ne bono dhe obligacione thesari te Qeverise se Republikes se Shqiperise, te emetuara ne monedhen euro. Megjithate, frekuenca e emetimeve ne euro nga Qeveria e Republikes se Shqiperise do te percaktoje shkallen ne te cilen Fondi do te investoje ne keto lloj instrumentash.

Fondi eshte i pershtatshem per individet dhe subjekte juridike te cilet mendojne se objektivi i investimit i Fondit perputhet me kerkesat dhe pritshmerite e tyre.


Shifra e tarifave të vazhdueshme 1.50% mbështetet në shpenzimet për vitin e mbyllur më 31.12.2020. Kjo shifër mund të ndryshojë nga viti në vit. Tarifa totale e vazhdueshme nuk mund të kalojë maksimumin prej 1.6% ne vit te vlerës neto të aseteteve te fondit.

Kostot e transaksioneve janë sipas kushteve të punës të palëvendërmjetësuese dhe nuk përfshihen në llogaritjen e komisioneve dhe tarifave të vazhdueshme, por ato i ngarkohen Fondit.

### Profili i Rrezikut dhe Përfitimit

Rrezik i ulët  
Përfitimet tipike më të ulëta

Rrezik i lartë  
Përfitimet tipike më të larta



#### Fondi Raiffeisen Invest Euro është në kategorinë e tretë të Profilit të Rrezikut dhe Përfitimit

Treguesi i rrezikut dhe përfitimit korrespondon me një numër të plotë i cili përdoret për të renditur fondin në një nivel rreziku nga 1 në 7, sipas nivelit të rritjes të luhatshmërisë. Kategoria më e ulët nuk do të thotë që investimi në fond është pa rrezik.

Ky tregues ka për qëllim tju informoje mbi luhatshmërinë e çmimit të kuotës së fondit bazuar në historikun e performancës së fondit. Të dhënat historike të përdorura për llogaritjen e treguesit nuk mund të përbëjnë një siguri të plotë për profilin e rrezikut në të ardhmen.

## Të dhëna për Fondin në 31 Janar 2022



<b>Vlerë Neto e Aseteve</b>	<b>65,903,309</b>
<b>Numri I Investitoreve</b>	<b>2,834</b>
<b>Cmimi I Kuotes</b>	<b>115.9206</b>
<b>*Kthimi Vjetor nga Investimi (31.01.2021 – 31.01.2022)</b>	<b>-1.76%</b>

\*Tarifa e administrimit dhe tarifat e tjera të vazhdueshme zbriten përpara llogaritjes së kthimit nga investimi.

## Struktura e Portofolit të investimeve më 31 Janar 2022

Portofoli i fondit Euro është ndërtuar në një mënyrë të tillë që të përfitojë nga balancimi i kategorive të ndryshme të investimeve në bono dhe obligacioneve qeveritare dhe të korporatave. Kjo bëhet me qëllim për të diversifikuar portofolin dhe ulur rrezikun që vjen nga ekspozimi i gjere ndaj pak instrumenteve.

Përçindja e alokimit të asetëve bëhet në përputhje me politikën e investimit dhe kritereve të specifikuar në prospektin e fondit. Shpërndarja e asetëve mund të jetë jashtë objektivit të përcaktuar për shkak të ndryshimeve të kushteve të tregut. Asetet e Fondit janë të investuara në instrumente financiare që i përkasin emetuesve që performojnë në industri të ndryshme të ekonomisë duke bërë të mundur rritjen e diversifikimit të portofolit.



Obligacionet të quajtura “dytësore” (ose me termin financiar subordinated) janë përafërsisht 6.15% e portofolit, në fund të Janarit. Duke iu referuar strukturës së portofolit të investimeve të fondit më 31 Janar 2022, përçindja e asetëve të fondit e investuar në Obligacione Shtetërore qëndron në 41.3% të asetëve, dhe 39% e tyre i përkasin obligacioneve të Qeverisë Shqiptare,

te tregtuar ne tregje nderkombetare. Fondi mund të balancojë ekspozimin ndaj instrumenteve të ndryshme në varësi të kushteve të tregut për të arritur objektivat e tij afatgjatë.


Asetet e fondit të investuara në obligacione të korporatave me vlerësime të larte jane 26.6% e asetëve dhe investimet në Fondet e Investimeve janë 28.5% e totalit të aktiveve. Keto fonde investimi gjithashtu kanë në fokus investime në tregun e obligacioneve. Likuiditeti i mbajtur ne cash dhe depozita qëndron në nivelin 3,6% e totalit të asetëve te fondit.

Vlera neto e asetëve të fondit është në nivelin 65.9 milion EUR në fund të muajit Janar.

## Performanca e fondit dhe ecuria e çmimit të kuotës gjate muajit Janar


Gjatë muajit Janar cmimi i kuotes ka rënë me **-0.71%** në krahasim me muajin e mëparshëm. Tregu i obligacioneve pati një ecuri negative gjatë muajit Janar për shkak të frikës për norma të larta inflacioni, të cilat do të ndikojnë në drejtimin e politikave monetare të Bankave Qendrore dhe në perspektivën për norma më të larta interesi për obligacionet. Kjo ka sjellë një rivlerësim negativ të portofolit të investimeve të fondit, i cili ka shënuar humbje gjatë gjithë muajit.

**Kthimi neto vjetor rezultoi në nivelin **-1.76%** më 31 Janar 2022.**



Ne dt 31 Janar 2022	1 Vit	2 Vite	3 Vite	5 Vite	7 Vite	Nga lancimi (22 Nentor 2012)
Kthimi ne % p.a per periudhen	<b>-1.76%</b>	<b>-1.80%</b>	0.04%	0.34%	1.20%	1.62%

## Kthimi Neto i fondit Raiffeisen Invest Euro per çdo vit



Duhet patur parasysh se norma e kthimit ndryshon ne varesi te kushteve te tregut dhe çmimi i kuotës mund të jetë i luhatsëm, pra nuk është statik apo gjithmonë në rritje, por edhe mund të bjerë si pasojë e ndryshimeve të kushteve në treg. Luhatshmëria është pjesë e natyrshme e fondeve te investimit dhe eliminimi total i saj është i pamundur.

Investitorët e fondit Raiffeisen Invest Euro dhe te gjithe fondeve te administruara nga Raiffeisen Invest keshillohen te kene nje horizont sa me te gjate investimi per te perfituar nje kthim optimal nga investimi dhe ne kete menyre ne periudhe afatmesme apo afatgjate te kene mundesi te rikuperojne edhe efektet negative te krijuara afatshkurter.

Investitorët inkurajohen qe te ruajne investimin e tyre duke mos ndryshuar objektivin e qendrimit ne fond te nxitur nga situata jo e zakonshme e krijuar nga pandemia globale, sepse ne kete menyre nuk do te rrezikojne te dalin nga fondi ne momentin e gabuar per investimin e tyre.

## Zhvillimet dhe informacion mbi ecurinë e tregjeve financiare gjate muajit Janar

Rritja e rasteve me Omicron do të thotë se më shumë njerëz u izoluan në fillim të Janarit se çdo herë tjetër që nga fillimi i pandemisë, megjithëse ndikimi që do të ketë kjo në punësim dhe prodhim mbetet i pasigurt. Për më tepër, me numrin e rasteve që tani po bien po aq shpejt sa u rritën, çdo efekt mund të marrë drejtim të kundërt në shkurt.

Në ndryshim nga valët e mëparshme, rritja e infeksioneve nuk ka shkaktuar një ngadalësim aq të madh në aktivitetin e shërbimeve, pasi frika e infektimit nga virusi është më e ulët se gjatë valëve të mëparshme.

Tensionet e reja mes Rusisë dhe Ukrainës po evoluojnë duke rritur rreziqet gjeopolitike, veçanërisht për vendet evropiane. Zyrtarët amerikanë dhe evropianë, ndërkohë, përsëritën se janë të hapur ndaj diplomacisë dhe rishkrimit të marrëveshjeve të sigurisë që përfshijnë raketa dhe lëvizje të trupave në kontinent. Por ata nuk do të pranojnë të ndalojnë Ukrainën që të anëtarësohet në NATO, një kërkesë kryesore ruse. Zyrtarët perëndimorë kanë paralajmëruar vendosjen e sanksioneve ekonomike nëse Moskë pushton, gjë që Kremlini mohon se planifikon ta bëjë.

Inflacioni arriti një nivel të ri prej 7.0% në SHBA, ndërsa inflacioni bazë u rrit në 5.5% muajin e kaluar. Me shumë mundësi do të vazhdojë të rritet drejt 6% gjatë muajve të ardhshëm. Tani tregu duket se po e pranon që Rezerva Federale (FED) do të fillojë rritjen e normave të interesit në Mars, me një total prej katër rritjesh prej 25 pikësh këtë vit dhe katër rritje të tjera në 2023.

Për sa i përket eurozonës, rritja e papritur e inflacionit total të HICP-së nga 5.0% në Dhjetor në 5.1% në Janar, e la atë shumë më lart se parashikimi konsensual prej 4.4%. Inflacioni bazë i eurozonës (duke përjashtuar çmimet e energjisë, ushqimeve, alkoolit dhe duhanit) ra, por u ul më pak se sa pritej - nga 2.6% në Dhjetor në 2.3% në Janar (konsensusi ishte 1.9%).

Surpriza më e madhe në të dhënat e inflacionit të Janarit erdhi nga inflacioni i energjisë, veçanërisht në eurozonë dhe Mbretërinë e Bashkuar.

Shifrat e inflacionit po vendosin presion mbi Bankat Qendrore, të cilat do të heqin mbështetjen monetare gjatë vitit 2022 dhe me shumë gjasa do të fillojnë të rrisin normat e interesit.

Tregu i obligacioneve ishte më i prekuri nga normat e larta të inflacionit, sepse për ta kompensuar atë, normat e interesit të obligacioneve vazhduan të rriteshin ndjeshëm që nga fillimi i vitit 2022. Yield-et e obligacioneve gjermane referencë u kthyen pozitive për herë të parë që para pandemisë, ndërsa tregjet përgatiten për heqjen e mbështetjes së Bankës Qendrore. Është një lëvizje simbolike për investitorët evropianë, ku yield-et nën zero kanë qenë një realitet prej disa vitesh.

Të dhënat e kthimit nga investimi në të shkuarën janë vetëm ilustrative dhe nuk përfaqësojnë një premtim apo garanci për kthimin në të ardhmen. Të gjithë shembujt e tjerë numerikë janë përdorur për qëllime ilustrative dhe analizë të të dhënave historike, dhe nuk duhen përdorur nga investitorët për të nxjerrë konkluzione për të ardhmen. Investitorët e mundshëm duhet të lexojnë Prospektin dhe Rregullat e Fondit. Raiffeisen Invest dhe forca shitëse e fondit nuk garantojnë një kthim të caktuar të fondit.

Informacioni mbi çmimin e përditësuar të kuotës, prospektin dhe rregullat e Fondit gjendet pranë zyrave të Raiffeisen Invest sh.a., në faqen zyrtare [www.raiffeisen-invest.al](http://www.raiffeisen-invest.al) ose në degët e Raiffeisen Bank në Shqipëri.